

## **Revolucion francesa e Empèri Primièr.**

### **Competéncias trabalhadas :**

- Descrivi e expliqui.
- Me pausi de questions e fau d'ipotèsis.
- Meti en relacion de documents e los confronti a mas coneissenças.

Lo capítol sul sègle de las Luses (sègle XVIII)

foguèt l'escasença de comprene que d'unas personas en França son a esperar un cambiament prigond. Amb la dobertura dels Estats generals lo 5 de mai de 1789, França dintra dins un periòde de cambiaments politics, economics e socials bèls que toca tanben Euròpa.

Dins aqueste capítol anam cercar de comprene los cambiaments que coneisson França e Euròpa entre 1789 e 1815. Anam arrestar d'en primièr sul debanament de la Revolucion francesa, sos temps fòrts, sas evolucions. Puèi, verem consí Napoleon Bonaparte capita de prene lo poder, consí França domina e influença Euròpa jos l'Empèri Primièr e las consequéncias qu'aquò aguèt.

⇒ **Quines borrolaments (*bouleversements*) toquèron França e Euròpa de 1789 cap a 1815 ?**

Aprèp aver estudiat la situacion del reialme de França en 1789 e los eveniments màger d'aquela annada, nos arrestarem sul periòde de la Terror. Fin finala, un estudi de documents nos permetrà de comprene las caracteristicas de l'Empèri Primièr.

Vocabulari :

**Revolucion** : renversament d'un sistema polític per un altre, per l'usatge de la violència. ❤️